



Omadina ovahoololwa mewiliko lOngeleki a shiivifwa

Onhokolwa yElelongeleki 193/1984

Elelongeleki ola kundafana omadina aavo tava ka kala mehoololo lomuwilikingeleki, ngaashi a etwa kokangudu kehoololo. Omadina oo otaa ka twaalelwa kOshoongaleleleki. Omadina oo taa landula apa:

Matti Amadhila
Tomas Shivute
na Asser Lihongo

Omadina amwe a li a holoka ngeno, oovene vao ova indila va mangelulwe pamatomhelo oukolele wolutu, nomakwao e lili ve a yandja, ovo: Apollos Kaulinge, Absalom Hasheela naKristof Shuuja.

Elelongeleki ola tambula omaindilo avo nola ufa omadina oo kwa li a shikula ko pauhapu womawi, oo a shikule ko.

Ngoka a gwana okuhogololelwa muumbisofi olye?

Ngiika inashi yela naanaa manga, kutya ngoka ta hogololelwa muuwilingeleki, ota ka hogololelwa wo nomuumbisofi, ihe shoka itashi tu imbi okuulika mpaka shoka Omauthompano gOngeleki yetu tage shi pula.

Pakotampango ndyoka tali longo sigo oompaka, moshitendwa oshiti XII, otali popi ngeyi komuhogololelwa muumbisofi kutya;

- Na kale omusita omuvalelwamo,
- Na kale a lela egongalo oomvula ngele oonshona heyali,

- Nenge peha lyelelo lyegongalo, okwa li a pewa oshilongayakulo shilwe moshimpwiyu she mOngeleki,

- Noku na okuhogololwa komawi ge thike pundatu yomune (3/4) gomomawi

gaayeha mboka ye li iilyo yOshigongingeleki.

Ethimbo lyokukala moshilonga shuumbisofi.

Omumbisofi ota kala miilongayakulo sigo okomumvo gwe omuti-65, uuna sha pumbiwa, ihe oshigongingeleki oshi na ompito oku mu indila a kale moshilonga she sigo okomumvo omuti-70 guukuluntu we, uukolele ngele otau shi pitika.

Tala kep. 2



Kalunga okwa yamukula ishewe omaindilo gOngeleki nogaavali oyendji, sho oonkwatwa dhaCassinga dhi vule 50 dha mangelulwa ko kokamba yaMalinda hoka dha kala dha dhigininwa omimvo heyali. Tala ehokololo kep. 9 Efano ndika olya thanekwa esiku ya thiki mOvenduka, okuza kondholongo.



Omusita Asser Lihongo

Asser Lihongo:

Okwa vaelwa mOkavango omumvo 1932. Sho a putuka okwa tameke osikola yaanona pomisioni yaMupini. Konima okwa ka tameka osikola yaamati koRupara nopo okwe ya ishewe kOseminali yuulongi kOniipa hoka a piti omumvo 1954.

Okwa ka longa osikola uule womimvo heyali mOkavango. Okwiithanwa mosikola yuusita 1962. Osikola yuusita sho ya tembukile kOtjimbingwe okuza muElim, omumvo 1963 oyo ya li aalongwa metembu ndyoka.

Omumvo 1965 okwa yapulilwa oshilonga shuusita moMupini komumbisofi Auala. Okwa longo oshilonga shuusitagongalo omumvo gumwe manga inaa ka tsikila kuEngilanda okwiidheula moshilonga shetoloko lyOmbimbeli melaka lyoRukwangali.

Pomathimbo gamwe okwa longo oshilonga shetoloko lyOmbimbeli pamwe nelelo lyegongalo. Poompito dhimwe ishewe okwa longo oshilonga shuutonateli pamwe negongalo netoloko lyOmbimbeli, iilonga mbyoka te yi longo sigo onena.

Okwa hokana noku na aanona yane.

Matti Iileka Amadhila:

Nguka okwa vaelwa momukunda Uukuuvu, mOngandjera 1940. Sho a mana osikola yepatudho yaanona, okwa ka tameka osikola yaamati kOnakayale 1957-1958. Te ya kOngwediva 1959-1961.

Sho a mana ngeyi osiminali yuulongi mOngwediva 1961 okwa ka tsikila ashike eilongo lye kOshigambo 1962-1965 hoka a piti Omatilika.

Okuza kOshigambo okwa tumwa kosikola yuusita kOtjimbingwe 1966 sigo 1970 nokwa yapulilwa uusitagongalo megongalo lyaandjawa mOkahao 1971. Manga e li kOtjimbingwe, Amadhila okwa kala i ipyakidhila wo neilongo

lyomoontumwafo dhoUnivesiti ya SA manga e li kOtjimbingwe nokwa adha onkatu B.A melongo lyuukalunga.

Okwa kala amushanga mombelewa yomutonatelishitayingeleki shUuninginino pethimbo ndiyaka, omusamane Jason Amakutuwa pamwe neyakulo lyegongalo lyaKahao.

Poompito dhimwe okwa li wo a kwatha omusita Eino Amaambo melundululo lyElaka Etoye.

Okuza 1975 sigo 1979 okwa kala muAmerika ta konakona iinima yimwe yooveta. Okwa galuka nonkatu M.Div. Mokugaluka hwiya, okwa langekwa mombelwa yomayelithilo nomanyanyangidho mOngeleki moka a longo konyala omimvo mbali.


Okwa ningi amushanga gwoponto gwomumbisofi nokwa longo oshilonga shoka konyala uule womumvo gumwe, naasita yoshitayingeleki shUuninginino, oye mu indile a ninge omutonateli gwoshitayingeleki shiyaka, omumvo 1983.

Okwa hokana noku na aanona yatano.

Tomas Shivute:

Okwa vaelwa mOniihwa mOndonga, 1942 nomo a sikola osikola yaanona sigo e ya kOnayena. Sho a thigi po osikola yaanona okwe ya kosikola yaamati kOniipa. Okwa tsikile sigo okOseminali kOngwediva hoka a ningi omulongi.


Okwa langekwa kOngeleki a ninge omulongi gwaamati ya koka mOngwediva 1964. Omumvo



Omusita Matti I. Amadhila

1965 okwa tumwa kosikola yuusita kOtjimbingwe hoka a sikola sigo 1968, sho a yapulilwa uusitagongalo.

Okuza pehulilo lyomumvo 1968 okwa tameke oshilonga shomusita omuyakuli mOlukonda moka a kala sigo 1970. Konima okwa ka tsikila eilongo lye kuSoomi hoka a kala uule womimvo omulongo.



Omusita Tomas Shivute

Hwiya okwa galuka nonkatu yuundohotola melongo lyuukalunga. Oshilongwa shoka a konakona osha li omatumo gomuuyuni. Mokugaluka kwe, Ongeleki oye mu langeke a ninge amushanga mombelewa yepatudho lyopakriste mOngeleki, ombelewa ndjoka ompe lela moka ta longo sigo ongashingeyi.

Okwa hokana noku na aanona yane.

Natango omafatululo gamwe kombinga yuukwatya womumbisofi

Ehogololo lyomumbisofi omutiyali nenge lyomuwilikingeleki

Natango oshitendwa XII shOmekotampango, osha tsikile okupopya oshinima shoka kombinga yomahogololo gaawilikingeleki sha ti:

Iilonga yuumbisofi opo yi tsakanithwe mOngeleki, onkwaevaangeli paLuther yomOwambokavango, oshigongingeleki oshi na ompito okuhogolola omumbisofi omukwawo nenge okuhogololela omumbisofi omukwathi, ngoka ta talwa omuwilikingeleki nota longo kohi yomumbisofi nElelongeleki sigo okOshigongingeleki tashi landula, shoka tashi vulu oku mu hogololulula nenge okuhogolola gulwe.

Osho u na okuninga opo u findane moukriste woye

Eengudu dinene oda shashelwa peke. Vahapu vomuvo inava mona ehongo la wana lopaukriste, onghe oukriste wavo inau yela neitavelo lavo enghundi. Mokati kovalihongi, ohatu hange mo yo ovanhu va tya ngaha.

Oku na ovo tave litangele oukriste woudalwa. Ohava ti, vo ovakriste, osheshi ova dalwa kovakriste. Ova tala kutya oukriste ove u fyuulula kovakulunhu vavo. Oukriste ove u ninga oshinima shepata lavo.

Ongudu ei ohai kala nokudina ovo ve lishashifa. Vati oukriste ove u shii peni vo inave u nyama?

Ohaku monika yo ongudu yoonakulitangela oupaani. Ongudu ei ohai lininipike unene sha pitilila, fiyo ya ya mepuko. Ongudu ei ohai ti, oukriste kau fi wetu, owoonhumba noongadi. Vati voo opo tave uya manga, inava hala okumonika ve liholole komesho moimima yopakriste.

Natu kale otwa shashelwa peke ile twe lishashifa fye vene, ndele katu na eitavelo, nena otu fike ashike pamwe. Apa otapa landula omikalo dimwe tadi kwafa, omunhu a findane moukriste waye.

Kala we lidilulula nowa ninga shili etokolo. Oukriste oshinima shopaumwene. Kape na ou ta dula okuninga mukwao omukriste ile okuningwa omukriste kumukwao. Omunhu mwene oye ta ningi etokolo opo a ninge omushikuli waJesus noku mu ninga ohamba yaye.

Oukriste washili ita pumbwa okutala konima kunhumba ile ngadi, opo a ninge nawa eshi ta ningi. Lungama u helikongele oihopaenenwa ihapu. Otu na oshihopaenenwa shimwe ashike sha-Jesus wetu.

Etokolo eli tu na okuninga olo eli, kutya Jesus Omuxupifi wetu nowounyuni aushe noku mu tambula twa mana mo. Mokuninga etokolo letambulo eli, Jesus ote tu pe eenghono oku shi diinina. Joh.1:12.

Ngele ino fika meliyandjo eli lokweefa oulunde woludi keshe, ku na fiku u ka

ninge omufindani moukriste woye. Omhepo Iyapuki oye te ku hololele oulunde woye. Joh.16:8.

Ino lineekela eenghono doye mwene. Osheshi nande wa tokola okushikula Jesus ku na eenghono diyapuki mwoove mwene. Ngenge hatu pitika Ompepo Iyapuki i uye momitima detu, odo da laulikwa koulunde, ote tu pe omwenyo, ote tu pendulile ohole oku mu hola noku mu longela. Kol.2:13

Hokolola nomilungu doye kutya Jesus oye Omwene puvakweni. Rom.10:9-10 Lungama yo u he shi ninge ashike nomilungu, ndele shi kale shili sha dja komwenyo. Ino kanifa nande okamhito we ka mona mokuhokolola Jesus. Nande opowandaxa yokomatango, i longifa nepandulo.

Ilikana u he na edimbuko. 1 Tess.5:17 Eilikano olo omufudo wOmhepo Iyapuki i li mufye noli na okukala la manguluka ngaashi omufudo womunhu. Lesha Ombibeli noinyolwa yopakriste. Joh.5:39 Kape na ou ta dula okukala omukriste omufindani, ngenge iha lesa Ombibeli.

Ongala peendjovo daKalunga alushe. Hebr.10:25 Pomaongalelo eendjovo daKalunga, dimbwa oisho yoye aishe younyuni.

Kala nokudiladila vakweni ponhele yokulidiladila ove mwene.

Mat.20:26-28 Kala to kulu mefilonghenda. 2Petr.3:18 Ef.4:12-16 Okushuna monima oshiponga.

Veikko Munyika

PANDEKENI TA PULA

Gumwe gwomongundu ngele ta galikana, ongundu ayihe ohayi zimine pehulilo Amen. Ano sho oshitya shoka **Amen**, otashi ti naanaa ngiini? Kwathii ndje mu pukulule ndje.

**Natangwe J. Pandekeni
Windhoek**

EYAMUKULO;

Omuleshi Pandekeni, oshitya shoka, Amen, oshi na efatululo efupilela. Otali ti ashike, oshili. Kokutya shono sha tumbulwa megalikano, otwe shi zimina pamwe nomupopi, kutya osho twa yuulukwa tu ningilwe nowiitaala oshili yaangoka kuye tatu galikana.

Amushanga gwOmukwetu

OSHILONGA SHUULELIGUMBO MEGONGALO

Oyendji otaa pula: Ngele onda hala ndi longe oshilonga shuuleligumbo megongalo lyetu, otandi ningi ngiini? Epulo ndika ewanawa, onkee nda hala ndi li yamukule ngaashi tashi landula.

Ngele owa hala u longe uuleligumbo megongalo lyeni, tseyo tango kutya egongalo kali shi lyomusita nenge lyaakuluntugongalo nenge lya ngandi e li mo. Egongalo olyaakwanegongalo ayehe mboka ye li iilyo yegongalo ndyoka.

Eeno, otashi vulika poompito dhimwe to tsakankeke uudhigu, sho yamwe ya hala ya kale aahona yalyo (yegongalo), ihe ngele ou na euvoko ndyoka, kutya egongalo olyiilyo ayihe yegongalo, nena oto kala nomakankameno ga kola.

Ope na ihe oompito odhindji moka to vulu okulonga uuleligumbo megongalo lyeni. Oto vulu okulongitha shoka to kutha momalunza gatatu. Ogo ngaka:

- Ethimbo lyoye
- Omaganoshipewa shoye
- Neliko lyoye

Pamalunza ngaka gatatu, oto vulu okukala omulongi gwosikola yOsoondaha, gwoondjimbo guukalinawa, gwoontseyo dhilwe. Nenge u kale ho tonatele onkalo yiipundi mongeleka ngoye to yi pangele ngele ya teka.

Oto vulu u kale omwoopaleki gwehala lyopongeleka, omukombi mongeleka, omudhengi gwongendjo, omutonateli gwoombwa dhaa ye mongeleka ngaashi hashi monika olwindji, nenge omusilishimpwiyu gwelandulathano lyiilongitho pongeleka, omugandji gwokatungwa kongalo, omukeeleli pomiyelo nokutala elandulathano lyelongelokalunga.

Otashi vulika natango u kale omugandji gwomagano gowina okukwatha egongalo painiwe, okutota ondjugo yomambo gokulesha (Biblioteek) megongalo, okweeta po omadhiladhilo nomathaneko omape megongalo, okulandela egongalo shoka wa hala shi kale megongalo lyeni nosho nosho mushoka kehe wa tala otashi humitha egongalo lyeni komeho ngele osha holoka po.

Tala kep. 8

Exungomwenyo monghalafano yefiku keshe.

Ouhakumwenyo owo, omhito ile ondjila ile omukalo mokuhakula omwenyo tau vele. Mwene ou ta vele oye ta fatulula ouvela waye, naanaa ngaashi omuveli wolutu ta fatulula ouvela wolutu laye.

Monghalafano otashi dulika mu na oinima ihapu tai dulu okuveleka omwenyo. Shimwe ashike eshi tashi veleke ou hasho tashi veleke mukwao.

Opo tu endeleni pamwe, otu shi okutala monghalafano oyo tashi dulika i kale oivelekimwenyo. Nomanga inatu ya movelekimwenyo yomonghalafano, tu lidimbulukifeni kutya eenghalafanomwenyo defiku keshe nado oda yooloka.

- Oomeme moilando nomeedoolopa onghalafano yavo inai fa yaava vomeefaalama.

- Osho yo ope na eyooloko longhaloukali voomeme vomohombo naavo inaava hambolwa ile ovo ovafiyekadi ile ovahengwa ile ovadali ve he li mohombo.

- Omufika weputudo nao otau dulu u holole omayooloko omonghalafano nomonghalamwenyo.

- Otashi dulika yo omayooloko a etwe po pailonga.

Mokutala oivelekimwenyo yomonghalafano, i nandi i talela momayooloko aa, ndele onda hala ashike keshe umwe a tale kutya, osho tashi veleke omwenyo waye a hala shi hakulwe osha fikama naanaa peni. Apa ohandi holola po eembinga dimwe doivelekimwenyo yomonghalafano:-

1. OIVELEKIMWENYO YOPAMUMWENE.

Ei ohashi dulika tai tungwa tai di meni. Peemhito dimwe ohashi dulika yo imwe hai di pondje yo tai shakene nai tai di meni.

Unene eshi hashi monika moomeme osho elidino ile etyololoko. Tashi tameke momunhu mwene te limono, ye ke fi sha, ina valulwa, ita pondola sha. Nena omwenyo otau litonyo.

Melitonyo la tya ngaha, otashi dulika olutu nomwenyo talu kanifa eenghono, omadiladilo taa fikama, edulo tali kana, emanguluko lomeni tali ninipala, exwamo lelixumifokomesho tali

pwiinine nelalakano lomokukalamwenyo tali dimi. Omwenyo tau velelela.

2. OIVELIMWENYO YOMPAMHEPO

Naapa yo ohatu hange po ihapu ndele ohatu kufa po imwe, ngaashi:

- Okuya mumwe kwomukwaneongalo nomufita ile nomukulunhu weongalo ile nomunashilonga umwe.

- Okuhakala meongalo ile omhito yokuhe li meongalo nande ehala opo li li.

- Osho shi li po tashi imbi omayakulo omeongalo.

- Okuhamona ile okuhelikongela omhito yelimweneneno yeilikano, ile yokulesha Ombibeli, ile yokwoongala moyoongalele yopamhepo, otashi eta okudima kweitavelo nomalimbililo. Nena omukumo womeni nao tau kana.

- Elipyakidilo lomepuko nalo tali kufa po ombili nengungumano nelididimiko.

- Oluhepo ile okuhalongifa nawa eshi omunhu e na.



Oshipopiwa eshi, osha popiwa moshongalele shoalongi naavo va hambolwa kovalongi, sha li mOshakati petameko laJuni, neudo. Omuteologi Aune Shilongo oye okwa li e linekelelwa oshipopiwa osho. Mefano eli otamu monika ovakainhu vamwe tava kundafana, fimbo ve li pokamutenya kokufu.

- Oikolo inai futwa, nomatimba inaa hepaululwa.

Omatukafano, omalundilafano, eenhamanana noikonene.

- Okuhapopya nokupungulukafana ovanhu ve li pamwe.

- Okuhena ookaume vopamhepo ile okuhena omuyambididi moudjuu.

- Okuhena ombili nokuhaudanawa ponhele ile poilonga aishe ei otashi dulika yeete eshunomonima neveleko lomwenyo noudu wopamhepo.

3. OIVELEKIMWENYO YOPAPUTUDO

- Okuhalongwa sha wana ile epato lomhito yokulilonga, nande ehala opo li li, otashi ehameke.

- Ekondjifafano leputudo loshinanena neputudo lopashiwana, tali monika pokati kovaputudi novaputudwa, kovadali nounona, otali eta sha.

- Okuhenomukangha weputudo lolala.

- Okweefa ile okwiitula mo sha pitilila meputudo.

- Okweendekela kombinga kweputudo ngaashi okuhafimanekafana, okuhavalulafana okulihola ile okulidiladila mwene. Aishe ei otai eta omukifi.

Elalakaneno lexungomwenyo.

Osha yela kutya haaveshe hava veluka shi fike pamwe. Umwe ota veluka filufilu. Umwe ota mono omukumo neenghono dokuhumbata sha osho sha eta ouvela. Elalakaneno lexungomwenyo olo okukwafa omunhu.

- Okumanguluka kouvela nokwaasho sha eta ouvela.

- Okumona eenghono domeni dokukondjifa ouvela.

- Okumona omhito yokupita mo momukundu.

- Okuya mondjila yehanganifo noyokupaafana ombili.

- Okumona emanguluko kwaasho sha finda, eliudongunga omatimba.

- Okumona ekulo lomeni lokuhumbata oudjuu nokukonga ekwafo leenghundaafana ngaashi sha pumbiwa.

NKENE OMUNASHILONGA E NA OKWIILONGEKIDHILA OPENZELA

Ngashingeyi pwa piti omimvo omulongo sho mOngeleki ya ELOK mwa tameke okulungithwa omautho gokutula aanashilonga aakulupe moshipundi shevululuko. Omatho oga zile mOshigongingeleki shomumvo 1973.

Okuza petamekolela lyeutho ndika, aanashilonga oyendji, unene mboka ye li popepi nokuya moshipundi shevululuko, oya kala nokwiinyanta nokutamaneka eutho ndyoka.

“Kagu shi omukalo gwetu Aaluudhe okupenzela omuntu. Okupenzelwa otashi ti okweekelwahi,” osho omadhiladhilo ogendji ga kala taga hololwa mekwatathano noshinima shika.

“Muuyuni auhe aantu ohaa penzelwa okuvululukithwa kiilonga yawo, osho wo okusimanekelwa shoka ye shi longo nuudhiginini. Openzela oku ku kwatha wi ilongekidhile nawa negundjilo omutumba gwoye gwomuukulupe,” osho wo Ongeleki kombinga yayo ya kala tayi tsu omukumo oonakulongitha eutho ndyoka.

EXUNGOMWENYO MONGHALAFANO

Da za kep. 4

- Okukala melididimiko nomohole.
- Okumona ondjila yokukalamwenyo kupe nokulundululila kouwa osho sha pumbiwa shi lundululwe.
- Okukonga omufika welifikameno noufike pamwe.
- Okufika meudonawa lomonghalafano nombili yokomwenyo.
- Okulikanghameka komukangha monghalonawa yopaumwainafana yopakriste noyopanghalafano.

Omwene ota ti: “Ohandi va wilike nge tava ende nokwiilikana.”

Neilikano letu modula ei olo: “Omwene lundulula okukala kwetu” Omo mwa mangelwa onghalomwenyo nonghalafano yefiku keshe.

Aune Shilongo

Omatho ga ELOK, otaga ti, omunashilonga gwOngeleki a gwanitha omimvo 65, na ye moshipundi shevululuko, okuninga ta gwedhelwa ko ngele uukolele we otau shi pitika a longe sigo okomumvo gwe omuti-70.

Omolvashike omuntu e na okutulwa mopenzela? Epulo ndika olya yamukulwa komusamane Immanuel Iithete moshigongi shaalongi yoshikandjo VIII nuumvo mOluno. Okwa ti ngeyi:

Osha dhimbululwa ngeyi, kutya omuntu oomvula dhe dhokukalamwenyo otadhi hulile olwindji po 70 sigo 80. Aashona yowala taa yi ko-90 sigo 100.

Aantu yamwe oya yi miilonga yokondje yegumbo ye na omimvo 20 nenge 25. Ngoka a longo ngawo omimvo 30 nenge 40, okwa gwana okupewa omimvo dha manguluka. Mepipi lyuukulupe omuntu ota pumbwa evululuko, onke ta kuthwa kondjoko yiilonga yokumeneka nokutondoka ongula kehe patundi i ihila kiilonga. Omvulwe neloloko, oyo ya tetula omimvo dhokukalamwenyo kwoyendji yomaaniilonga.

Mopenzela omuntu ota mono ompito okulonga iilonga ye mwene mbyoka a kala itaa wapa oku yi longa pethimbo lyiilonga yopaithano, omolvokumeneka esiku kehe.

Kombinga yomusamane oyo ompito ombwanawa u uhale pamwe nomukulukadhi gwe, osho wo kombinga yomukulukadhi, mamga ye na omwenyo. Ethimbo lyopenzela omuntu oku na ompito i ikongele uunongo noowino ndhoka a li kee na ompito yoku dhi mona pethimbo lyiilonga. Yamwe ya nyola Omatilika noya mono oonkatu dhopombanda sigo uundohotola nokuli pethimbo lyopenzela.

Yakwawo ya nyola omambo opo ya thige po uuthiga wuunongo wawo, kaaya se nawo. Pethimbo lyopenzela otaa tungu, taa hondjo, taa pangele

oosikopa ya pe aatekulu yawo noyana.

Okutulwa mopenzela, kashi shi okumwenekwa, ngaashi oyendji taa dhiladhila. Ihe omuntu a manguluke meipyakidhilo lyokulonga kohi yomuhona gwe nenge kohi yepangelo lyagulwe, a ye meilongitho lye mwene.

Okuya mopenzela, osha pumbiwa, opo mboka ya longo noonkondo (nonoowino odhindji,) ya gandje wo omahala kaagundjuka mboka ye na oonkondo oompe osho wo oowino oompe, ya mone iilonga. Shika otashi kwatha mokuyanda okwaaniilonga niyimati yakwo uubotsotso, nuufuthi.

Elongekidho otali ningwa ngiini nuunake?

Natango Omusosiale Iithete, okwa yamukula epulo ndika ngaashi tashi landula:



Immanuel Iithete

Moshilongo shetu unene (mOwambokavango), aantu sho yi igilila haa longo omapya sigo otaa si, oshe ya etele ngaaka uudhigu uuna taku tiwa nima ito longo we, osikola nenge ito lele we egongalo. Uudhigu otau zi mpoka sho omuntu oshinima ine shi ilongekidhila.

Eilongekidho lyopenzela oli na okutameka manga omuntu e li miilonga. Oku na omikalo odhindji, ihe natu tumbule ko ashike dhimwepo.

Okukala u na oshilonga shilwe pondje yeithano lyoye lyuulongi,

Tala kep. 8

MISSIO ACTIO — 1983

Omumvo gwa zi ko 1983 ogwa li omumvo gwokulongela Etumo (Missio Actio) mOngeleka ya Eloc, shoka sha ningwa po otwe shi hokololelwa kwAmushanga mOmbelewa yoshilonga shoka, omusamane Justus David.

Ehokololo lye okwe li tameke ngeyi: Oshilongatumo otashi lalakanene okutaandelitha evaangeli lyaKristus mokati kaapagani nokaashunimonima onke tashi pumbwa ombelewa yi na omakankameno ga yela opo yi yamukule koompumbwe dhoo-nakulonga oshilonga shoka.

Omagongalo niikandjolonga mOngeleki ayihe oya hokololwa mehokololo ndika ombahu nokawawa nkene ga kambadhala okuyamukula oompumbwe dhoshilonga shoka.

Omolwetumo kuSenegal, amushanga Justus okwa nyola kutya sigo opetameko lya Mai numvo egongelo lyiimaliwa yalyo olya londo sigo R 22,422.19 inamu yalulilwa euvaneko lyEtumo lya Soomi opersenda 40% = R 14-800.

Omumvo 1982 Elelongeleki olya li lyu utha omagongalo niikandjolonga yi gongele R 28,000.00, omolwaatumwa yaali mboka ya li taa longo kuSenegal pamwe nomagumbo gawo.

Iimaliwa mbyoka oya li ya tengenekwa tayi gwanene ashike omumvo gumwe. Pethimbo ndika osha yela itayi gwanene we.

Pamushangwahokololo gwAmushanga mombelewa yEtumo, miitayingeleki ine yOngeleki, Oshitayingeleki shUukwanyama osho ashike sha u likwa sha thikitha R 1,302.80, kOmbelewa peha R 4,989-00, omwaalu ngoka gwa li gwe shi thanekelwa.

Pehala lyiitayingeleki yilwe inapu hololwa sha. Oshitayi kehe osha li sha uthilwa okugongela omwaalu gwa yeleka uunene wiilyo yaakriste moshitayi shoka.

Shika osho wo tashi monika noko- mbinga yiikandjolonga momagongalo, kutya haayihe pwa ndhindhulikwa ya gandja sha.

Omagongalo omilongo 40 goma- magongalo 70 inapu ndhindhulikwa sha, osho wo iikandjolonga ihetatu yomiikandjo 11, oya ulikwa inaa yi gandja ko sha.

Omagongalo agehe kumwe 25 oga eta po R 7,547,81, omolwaSenegal manga iikandjolonga ya gongela R 1,250,00. Omagongalo 8 ageke guulikwa ga mana oshinakugwanithwa shago.

Inaashi za mehokololo ndyoka lyiilonga yetumo mOngeleki, ihe omuntu oto tompelwa mbala, kutya etumo mOngeleki ndjika otali popiwa niitya oyindji mokana shi vulithe miilonga yoyene.

Osha yela mpaka, kutya omikalo dhokugongelela etumo ndhoka dhi li po ngashingeyi, odhi shi okutalululwa, opo omagongalo ga mone euvoko ewanawa nehwamo mohole yoshilonga shetumo.

Omushangwahokololo ogwa tsikile ngeyi, kutya okwa li wo ku na iimaliwa yimwe ya zile moongalo dhiituthitumo ngaashi shoka sha ningilwe kOmulonga omumvo ngoka, nonando omunyoli okwe shi holola noluhodhi, kutya iimaliwa yoongalo dhesiku ndyoka momagongalo, inayi thika natango mombelewa yetumo.

Ookuume ketumo mOngeleki oya gandja R 2,162.52 omolwaSenegal, kuNorway okwa zi R 779,01 omolwaAa- kwankala manga Ehanganotumo lyaSoomi lyu uvanekele okutuma oopelesenda 40%, osho ehokololo lya ti.

Ombelewa oya li wo ya tuminwa oonguwo oonkulu dha zi kumeme Raili Seppälä. Omagongalo gomu ELOK nago wo oga li ga gongele oonguwo oonkulu. Egongalo lyaNgwediva olyo lya li esindani moshinima shoka, osho sha zi mehokololo.

Tala kep. 7



Nguka oye gumwe gwAasenegal ya tegelela etumo lya ELOK li ya kwathe. Uunake mbela ELOK te ya yamukula. Mepandja eti 7 otwa fa tu na eyamukulo.

MISSIO ACTIO — 1983

Omumvo gwa zi ko 1983 ogwa li omumvo gwokulongela Etumo (Missino Actio) mOngeleka ya Eloc, shoka sha ningwa po otwe shi hokololelwa kwAmushanga mOmbelewa yoshilonga shoka, omusamane Justus David.

Ehokololo lye okwe li tameke ngeyi: Oshilongatumo otashi lalakanene okutaandelitha evaangeli lyaKristus mokati kaapagani nokaashunimonima onke tashi pumbwa ombelewa yi na omakankameno ga yela opo yi yamukule koompumbwe dhoo-nakulonga oshilonga shoka.

Omagongalo niikandjolonga mOngeleki ayihe oya hokololwa mehokololo ndika ombahu nokawawa nkene ga kambadhala okuyamukula oompumbwe dhoshilonga shoka.

Omolwetumo kuSenegal, amushanga Justus okwa nyola kutya sigo opetameko lya Mai nuumvo egongelo lyiimaliwa yalyo olya londo sigo R 22,422.19 inamu yalulilwa euvaneke lyEtumo lya Soomi opersenda 40% = R 14-800.

Omumvo 1982 Elelongeleki olya li lyu utha omagongalo niikandjolonga yi gongele R 28,000.00, omolwaatumwa yaali mboka ya li taa longo kuSenegal pamwe nomagumbo gawo.

Iimaliwa mbyoka oya li ya tengenekwa tayi gwanene ashike omumvo gumwe. Pethimbo ndika osha yela itayi gwanene we.

Pamushangwahokololo gwAmushanga mombelewa yEtumo, miitayingeleki ine yOngeleki, Oshitayingeleki shUukwanyama osho ashike sha u likwa sha thikitha R 1,302.80, kOmbelewa peha R 4,989-00, omwaalu ngoka gwa li gwe shi thanekelwa.

Pehala lyiitayingeleki yilwe inapu hololwa sha. Oshitayi kehe osha li sha uthilwa okugongela omwaalu gwa yeleka uunene wiilyo yaakriste moshitayi shoka.

Shika osho wo tashi monika noko- mbinga yiikandjolonga momagongalo, kutya haayihe pwa ndhindhilikwa ya gandja sha.

Omagongalo omilongo 40 gomo- magongalo 70 inapu ndhindhilikwa sha, osho wo iikandjolonga ihetatu yomiikandjo 11, oya ulikwa inaa yi gandja ko sha.

Omagongalo agehe kumwe 25 oga eta po R 7,547,81, omolwaSenegal manga iikandjolonga ya gongela R 1,250,00. Omagongalo 8 ageke guulikwa ga mana oshinakugwanithwa shago.

Inaashi za mehokololo ndyoka lyiilonga yetumo mOngeleki, ihe omuntu oto tompelwa mbala, kutya etumo mOngeleki ndjika otali popiwa niitya oyindji mokana shi vulithe miilonga yoyene.

Osha yela mpaka, kutya omikalo dhokugongelela etumo ndhoka dhi li po ngashingeyi, odhi shi okutalululwa, opo omagongalo ga mone euvoko ewanawa nehawo mohole yoshilonga shetumo.

Omushangwahokololo ogwa tsikile ngeyi, kutya okwa li wo ku na iimaliwa yimwe ya zile moongalo dhiituthitumo ngaashi shoka sha ningilwe kOmulonga omumvo ngoka, nonando omunyoli okwe shi holola noluhodhi, kutya iimaliwa yoongalo dhesiku ndyoka momagongalo, inayi thika natango mombelewa yetumo.

Ookuume ketumo mOngeleki oya gandja R 2,162.52 omolwaSenegal, kuNorway okwa zi R 779,01 omolwaAkwankala manga Ehanganotumo lyaSoomi lyu uvanekele okutuma oopelesenda 40%, osho ehokololo lya ti.

Ombelewa oya li wo ya tuminwa oonguwo oonkulu dha zi kumeme Raili Seppälä. Omagongalo gomu ELOK nago wo oga li ga gongele oonguwo oonkulu. Egongalo lyaNgwediva olyo lya li esindani moshinima shoka, osho sha zi mehokololo.

Tala kep. 7



Nguka oye gumwe gwAasenegal ya tegelela etumo lya ELOK li ya kwathe. Uunake mbela ELOK te ya yamukula. Mepandja eti 7 otwa fa tu na eyamukulo.

EHOKOLOLO LYOMBELEWA YETUMO

Dha za kep. 6

Ookersesa niigongi okupendutha nokuhwameka etumo mOngeleki, oya li wo ya ningwa omumvo ngoka. Mboka ya kala mo, ehokololo olyu ulike, kutya oya zile unene miitopolwa mbyoka hamu longwa oshilonga shetumo meni lyOngeleki.

Ashike nokoshitayingeleki shaKunene, okwa zile wo aanashilonga mboka ya kala mookersesa ndhoka, ehokololo osho lya yelitha. Onkalo yomapyatumo, ongele omeni nenge pondje yOngeleki, oya hololwa kutya kaya li nando ompu.

“Oshilonga osha lemanekwa kiita nokomauvathano inaaga yela (pokati kaanashilonga), osho sha hokololwa.

Nonando ehokololo lya holola olupandu lwalyo kushono sha ningwa po kiitayingeleki, komagongalo nokoongundu oonene noonshona, omolwokuyamukula oompumwe dhoshilonga shetumo mOngeleki ndjika, omuntu okutala egongelo ndyoka lya li lya sikumudhwa nowino shoka lya holola po, oto tompelwa wo mbala, kutya etumo lyopondje, ELOK ota pumbwa ehwamo epe natango oku li ilongekidhila, nepapudhuko li vule lyongashingeyi.

Omagongalo niitayingeleki oya tegelelewa ano yi ulike natango ehwamo netokolo lyayo niimaliwa shi vulithe oohapu moshituthitumo 8.7.1984 mOngwediva moka tamu ka dhanwa iituthihambeleso;

a) Sho tapu ka dhanwa oshituthihambeleso omolwaatumwa mboka ya thikile mpaka lwotangotango konima yomimvo 114.

b) Nomokuhambeleso pamwe nOngeleki yaSoomi sho Ehanganotumo lyawo ndyoka lye tu zile aatumwa naanashilonga lya kala miilonga uule womimvo 125 dha pita, okuza sho lya dhikwa.

Mokwaamonika, Kalunga mwene oti iholola moshilonga she nokaantu ye, naanaa pamadhiladhilo ngoka omunyoli a hulitha nago ehokololo lye.

Sebulon Ekandjo

OMAONGALO OKWA NINGA PO SHIKE MOLWASENEGAL?

Elelongeleki panhokolwa 211/1984, eshi la leshe ehapu lohilongatumo mu ELOK, nola dimbulukwa kutya ope na shihapu natango shi na okuningwa po, ola yandja oinakuwanifwa imwe ngaashi tai landula apa.

a) Ewilikongudu letumo mOngeleki li dimbulukife natango omaongalo oo inaa kuma ko natango koshinakuwanifwa shao omolwetumo laSenegal osho yo oo a ninga ko sha shinini, e litule mo natango. Lo li ninge yo onhengeneko yomudo 1985.

b) Omukwetu a tule omadina omaongalo aeshe moshifo, opo omaongalo a shiive osho sha ningwa po.


c) Ye hamushanga wetumo a ninge omalweendo momaongalo, opo omaongalo a xwame mohole yoshilongatumo osho.

Apa otapa shikula nee omadina omaongalo, tete oo a mana oshinakuwanifwa shao:

1. Elim	R 600,00
2. Nkarapamwe	223,50
3. Nkurenkuru	404,20
4. Ohaingu	234,80
5. Okando	148,80
6. Oniimwandi	901,65
7. Oshakati	115,70
8. Oshitayi	700,00

Omaongalo a kuma ko ndele inaa wanifa

1. Ekamba	R 86,35
2. Elondo	100,00
3. Endola	146,10
4. Engela	175,98
5. Eunda	84,75
6. Ewaneno	40,00
7. Eengolo	60,00



Amushanga mombeleso yEtumo, Justus David. Oye gumwe gwaamboka ya ithanwa ko ketumo lyaSenegal omolwompumbwe yiimaliwa.

8. Kongo	60,74
9. Mupini	34,50
10. Nakayale	213,65
11. Ohalushu	34,40
12. Okahao	386,00
13. Olupandu	145,37
14. Oluteyi	170,37
15. Omuntele	265,00
16. Onaanda	472,86
17. Onangalo	90,00
18. Onayena	121,17
19. Onawa	64,52
20. Ongenga	489,50
21. Onhelelwa	228,00
22. Tshandi	152,00

Omaongalo a didilikwa inaa kuma ko nande sha.

Edundja
Elombe
Epembe
Eendombe
Eembaxu
Nepara
Okaku
Okankolo
Olukonda
Omundaungilo
Ompundja
Onankali
Onemanya
Onguta
Oniipa
Onyaanya
Oshigambo
Oshitutuma
Othika
Rupara

Eheke
Eloolo
Etilyasa
Eenhana
Mpungu
Ogongo
Okalongo
Okatope
Olupumbu
Omulonga
Onamukulo
Ondobe
Onesi
Ongwediva
Ontonanga
Oshaango
Oshilemba
Otamanzi
Oupumako
Uukwiyu

Oitaingeleki aische inai tuma sha, kakele koshitai shaUkwanyama, ndele nasho inashi mana.

Oikandjolongwa ya mana

Oshinyanyangido
Ofikola yOsoondaxa
Ovalumenhu

Oikandjolongwa nomahangano inai ninga ko sha.

Ovakainhu
Omusiki
Ovahakuli
Ovafita

Tala kep. 10

ELONGEKIDHO LYOPENZELA

Dha za kep. 5

lyuupangi, lyuusita nenge lyuunambelewa, ngaashi okulonga mepya okutonatela iimuna uunahambo, okupangela iipundi niitaafula, okutunga oontungwa, okuhondja oonguwo, okutunga oombindja niyala nenge okunyola omambo nosho tuu iilonga iikwawo oyindji.

Aanashilonga yetu ohaa dhiladhila, kutya iinima mbika oyaamboka yaa na elongo, lyasha onkene yu uvite aniwa ehumokomeho neputuko olyo oku yi etha nokulonga moombelewa.

Okwiimangeleka ashike meithano limwe alike, ngoye waa na we shoka ho longo ponto yalyo, osho she etele oye-ndji uudhigu. Uuna omuntu ta pewa evululuko ohe shi tala a fa a gwa komulunga.

Muusosiale ohaku tiwa omuntu oku li omwiidhiladhili. Otashi vulika i idhiladhilile nando omukithi gwontumba, ndele konima yomasiku gamwe ta ka adhikwa kuunkundi wontumba tau vulu oku mu fala sigo omeso. Omuntu ngele tu udhitha omadhiladhilo ga tya ngeyi momutima gwe, osho taga vulitha ombepo ye sigo tayi nkundipala. Ombepo ngele ya nkundipala, olutu wo otalu sindwa nuupu koombuto dhuuvu nopamukalo nguka omupenzelwa otashi vulika a se mbala.

Omukithi nuunkundi olwindji owa tameke mpoka sho omuntu a yi meimweneneno. Unene ngele kee na we ookuume, iilonga yokulonga nenge sha shilwe shokwiikutha nasho ezaza.

Eilongekidhilo ewanawa lyopenzela, oku shi ninga manga omuntu u li miilonga yeitahno lyoye. Uuna wa yi mo, inyenga nuungundu wi ili nowi ili megongalo nenge moshigwana. Itula moosipana dhomaudhano, ninga omuunganeki gwaashika nenge shiyaka.

Pungula iimaliwa pethimbo u li miilonga mombaanga nomomahangano gokushilipaleka onkalamwenyo yomuntu muulema, miiponga yomililo nenge eso lye ya mokati kaanegumbo.

Kala u na epya neha lyokutungila egumbo moka to ka kala mo sho wa zi miilongaithano lyoye. Ino lya po iimaliwa ayihe mbyoka to pewa esiku u li mopenzela nomanga inoo ya mo.

Idheula okweenda, okukundathana, okupopya, okunyola, okushendjula pamwe nomukulukadhi gwoye nenge omusamane gwoye. Oshoka ngoka oye awike kuume koye komokukalamwenyo kwoye akuhe.

Miilongaithano namo omu na oshiponga shoka, kutya oondjokana odha topoka, nando aantu oye li pamwe. Uuna taa yi mopenzela, inaa igilila we nando okukala pamwe, notashi kala oshidhigu methimbo lyawo lyuukulupe.

Oshiwana okukokeka ehala lyokukonakona ngele uunshitwe wontumba nenge iilonga yongandi, popepi nenge kokule, mpoka tashi vulika. Ope na aanashilonga oyendji mboka inaa mona natango oondjamba, nando odhi li pOkashana mpoka popepi.

Ninga okakunino komakaya, komakunde, tekula oondjuhwa, iingulu oonyushi nosho tuu. Ngoka u shi oku udhitha ethimbo lyoye ndyoka li li owala sho wa yi mopenzela, ongoye wo to piti nawa nethimbo lyopenzela. Omuti guuvu wopenzela, ngele oyi na uuvu, eipyakidhilo niilonga.

UULELIGUMBO

Dha za kep. 3

Aakwanegongalo oyo ye na uuthemba owindji wokutala, oshike sha pumbiwa megongalo lyawo, oshoka oyo ye li po ethimbo olindji ye vule aasita naaye-vaangeliste mboka ye li po owala nena, oshoka ohaa lundululwa nuupu.

Ngele aakwanegongalo omwa tega owala mu mone aniwa omusita ependa ngoka ta vulu iinima ayihe, otashi vulika mwaa na omumvo namu mu mono, ne tamu kala nduno mu na egongalo aluhe olyo ngaa lya kotha. Ou shi omagongalo ngoka ga za ko, oga kuthwa ko kaasita? Aawe aakwanegongalo tuu.

Aakwanegongalo pendukeni muuleligumbo womomagongalo geni. Omagongalo ngele tage endama. one (tseni) aakwanegongalo tatu ge endameke, unene ngoye ngoka ihoo utha onyala ngoye u na omagano agehe ngoka. Oto ke ga pulwa.

“Ngoka a pewa oshindji, ota pulwa wo oshindji.” Luk.12:48

S. V. V. Nambala

O m a f a t u l u l o kuukwatya womumbisofi

Moshifo oshikulu shOngeleki ya ELOK, “EHANGANO”, No. 2, 1958 omwa li mwa holoka efatululo kombinga yuukwatya womumbisofi omukwaLuther. Otatu tula mpaka iinima yimwe pafupi.

Olye e na okuninga omumbisofi?

Mokuhogolola omumbisofi, kape na okulandulwa ando edhina nenge ezimo esimano nenge uyamba nenge nokuli ehala lyoshigwana. Ongeleki oyi na okukala yi na ompango ya yela opo omusita ngoka a longekidhwa kOmbepo Ondjapuki, a wape okuhogololwa, hagulwe. Oshoka omumbisofi ota pulwa oshindji.

Ongeleki ndjoka ya tokola yi hogolole omumbisofi, oyi na okuyelithila aakwanegongalo ayehe uumbisofi wuukwaLuther shoka tau ti, opo aantu yaa faathanithe omumbisofi gwawo naambisofi yiiveva.

Omumbisofi OmukwaLuther okwa tya ngiini?

1. Pamwe noitaali ooyakwawo, oye wo omusaseli koshipala shaKalunga. Pamwe naasita ooyakwawo, oye wo omusitagongalo gwomOngeleki.

2. Oye omusita gwaasita.

3. Oye omumbisofilela manga inaa topoka meitaalo lyaayapostoli.

4. Mokulela aasita ooyakwawo nomagongalo, ota simaneke oonkondo dhiilyo iikwawo yOngeleki, mbyoka yi li momalelogongalo, momawilikongundu mEpangelongeleki nomOshigongingeleki.

Iinakugwanithwa ye oyini?

1. Otu uvitha evaangeli ngaashi twe li pewa kaayapostoli, ye a yakulile aantu mEshasho eyapuki nomUulalelo Uuyapuki pamwe naasita ooyakwawo.

2. Oku na okutonatela euvitho nelongo, ga kale ga yela, ye a kwathe omaganohenda agehe omakwawo ga kpe gu uka mOngeleki.

3. Ota yapula aasita.

4. Ota talele po omagongalo.

5. Ota lele Ongeleki, te shi ningi mekwatathano nElelongeleki noshigongingeleki naayehe mboka ya pewa oonkondo dhelelo lyomOngeleki.

6. E na okupopila Ongeleki muuyuni auhe.

Okugamena uumbisofi waa ye pombambo.

Omumbisofi omukwaLuther kee shi endhindhiliko lyoshili lyOngeleki. Endhindhiliko lyoshili lyOngeleki Ohapu nOmasakramendi Omayapuki.

Tala kep. 12

ELONGEKIDHO LYOPENZELA

Dha za kep. 5

lyuupangi, lyuusita nenge lyuunambeleva, ngaashi okulonga mepya okutonatela iimuna uunahambo, okupangela iipundi niitaafula, okutunga oontungwa, okuhondja oonguwo, okutunga oombindja niyala nenge okunyola omambo nosho tuu iilonga iikwawo oyindji.

Aanashilonga yetu ohaa dhiladhila, kutya iinima mbika oyaamboka yaa na elongo, lyasha onkene yu uvite aniwa ehumokomeho neputuko olyo oku yi etha nokulonga moombeleva.

Okwiimangeleka ashike meithano limwe alike, ngoye waa na we shoka ho longo ponto yalyo, osho she etele oyendji uudhigu. Uuna omuntu ta pewa evululuko ohe shi tala a fa a gwa komulunga.

Muusosiale ohaku tiwa omuntu oku li omwiidhiladhili. Otashi vulika i idhiladhilile nando omukithi gwontumba, ndele konima yomasiku gamwe ta ka adhi kwa kuunkundi wontumba tau vulu oku mu fala sigo omeso. Omuntu ngele tu udhitha omadhiladhilo ga tya ngeyi momutima gwe, osho taga vulitha ombepo ye sigo tayi nkundipala. Ombepo ngele ya nkundipala, olutu wo otalu sindwa nuupu koombuto dhuuvu nopamukalo nguka omupenzelwa otashi vulika a se mbala.

Omukithi nuunkundi olwindji owa tameke mpoka sho omuntu a yi meimweneneno. Unene ngele kee na we ookuume, iilonga yokulonga nenge sha shilwe shokwiikutha nasho ezaza.

Eilongekidhilo ewanawa lyopenzela, oku shi ninga manga omuntu u li miilonga yeitahno lyoye. Uuna wa yi mo, inyenga nuungundu wi ili nowi ili megongalo nenge moshigwana. Itula moosipana dhomaudhano, ninga omuunganeki gwaashika nenge shiyaka.

Pungula iimaliwa pethimbo u li miilonga mombaanga nomomahangano gokushilipaleka onkalamwenyo yomuntu muulema, miiponga yomililo nenge eso lye ya mokati kaanegumbo.

Kala u na epya neha lyokutungila egumbo moka to ka kala mo sho wa zi miilongaithano lyoye. Ino lya po iimaliwa ayihe mbyoka to pewa esiku u li mopenzela nomanga inoo ya mo.

Idheula okweenda, okukundathana, okupopya, okunyola, okushendjula pamwe nomukulukadhi gwoye nenge omusamane gwoye. Oshoka ngoka oye awike kuume koye komokukalamwenyo kwoye akuhe.

Miilongaithano namo omu na oshiponga shoka, kutya oondjokana odha topoka, nando aantu oye li pamwe. Uuna taa yi mopenzela, inaa igilila we nando okukala pamwe, notashi kala oshidhigu methimbo lyawo lyuukululupe.

Oshiwana okukokeka ehalo lyokukonakona ngele uunshitwe wontumba nenge iilonga yongandi, popepi nenge kokule, mpoka tashi vulika. Ope na aanashilonga oyendji mboka inaa mona natango oondjamba, nando odhi li pOkashana mpoka popepi.

Ninga okakunino komakaya, komakunde, tekula oondjuhwa, iingulu oonyushi nosho tuu. Ngoka u shi oku udhitha ethimbo lyoye ndyoka li li owala sho wa yi mopenzela, ongoye wo to piti nawa nethimbo lyopenzela. Omuti guuvu wopenzela, ngele oyi na uuvu, eipyakidhilo niilonga.

UULELIGUMBO

Dha za kep. 3

Aakwanegongalo oyo ye na uuthemba owindji wokutala, oshike sha pumbiwa megongalo lyawo, oshoka oyo ye li po ethimbo olindji ye vule aasita naaye-vaangeliste mboka ye li po owala nena, oshoka ohaa lundululwa nuupu.

Ngele aakwanegongalo omwa tega owala mu mone aniwa omusita ependa ngoka ta vulu iinima ayihe, otashi vulika mwaa na omumvo namu mu mono, ne tamu kala nduno mu na egongalo aluhe olyo ngaa lya kotha. Ou shi omagongalo ngoka ga za ko, oga kuthwa ko kaasita? Aawe aakwanegongalo tuu.

Aakwanegongalo pendukeni muuleligumbo womomagongalo geni. Omagongalo ngele tage endama. one (tseni) aakwanegongalo tatu ge endameke, unene ngoye ngoka ihoo utha onyala ngoye u na omagano agehe ngoka. Oto ke ga pulwa.

“Ngoka a pewa oshindji, ota pulwa wo oshindji.” Luk.12:48

S. V. V. Nambala

O m a f a t u l u l o kuukwatya womumbisofi

Moshifo oshikulu shOngeleki ya ELOK, “EHANGANO”, No. 2, 1958 omwa li mwa holoka efatululo kombinga yuukwatya womumbisofi omukwaLuther. Otatu tula mpaka iinima yimwe pafupi.

Olye e na okuninga omumbisofi?

Mokuhogolola omumbisofi, kape na okulandulwa ando edhina nenge ezimo esimano nenge uyamba nenge nokuli ehala lyoshigwana. Ongeleki oyi na okukala yi na ompango ya yela opo omusita ngoka a longekidhwa kOmbepo Ondjapuki, a wape okuhogololwa, hagulwe. Oshoka omumbisofi ota pulwa oshindji.

Ongeleki ndjoka ya tokola yi hogolole omumbisofi, oyi na okuyelithila aakwanegongalo ayehe uumbisofi wuukwaLuther shoka tau ti, opo aantu yaa faathanithe omumbisofi gwawo naambisofi yiiveva.

Omumbisofi OmukwaLuther okwa tya ngiini?

1. Pamwe noitaali ooyakwawo, oye wo omusaseli koshipala shaKalunga. Pamwe naasita ooyakwawo, oye wo omusitagongalo gwomOngeleki.

2. Oye omusita gwaasita.

3. Oye omumbisofilela manga inaa topoka meitaalo lyaayapostoli.

4. Mokulela aasita ooyakwawo nomagongalo, ota simaneke oonkondo dhiilyo iikwawo yOngeleki, mbyoka yi li momalelogongalo, momawilikongundu mEpangelongeleki nomOshigongingeleki.

Iinakugwanithwa ye oyini?

1. Otu uvitha evaangeli ngaashi twe li pewa kaayapostoli, ye a yakulile aantu mEshasho eyapuki nomUulalelo Uyuyapuki pamwe naasita ooyakwawo.

2. Oku na okutonatela euvitho nelongo, ga kale ga yela, ye a kwathe omaganohenda agehe omakwawo ga koke gu uka mOngeleki.

3. Ota yapula aasita.

4. Ota talele po omagongalo.

5. Ota lele Ongeleki, te shi ningi mekwatathano nElongeleki noshigongingeleki naayehe mboka ya pewa oonkondo dhelelo lyomOngeleki.

6. E na okupopila Ongeleki muuyuni auhe.

Okugamena uumbisofi waa ye pombambo.

Omumbisofi omukwaLuther kee shi endhindhiliko lyoshili lyOngeleki. Endhindhiliko lyoshili lyOngeleki Ohapu nOmasakramendi Omayapuki.

Tala kep. 12

Ompangu yomOvenduka

molwoonkwatwa

dhaCassinga


Oongeleki ndatu muNamibia odha gwini mokutula oshipotha shoonkwatwa 37 dhaCassinga, mompangu, nonando osha li sha tindwa (sha benwa) koministeli yuuyuuki mepangelo lya SA.

Ompangu omolwoonkwatwa ndhoka, oya li ko 28.5. 1984 mOvenduka nelalakano lyokuyamukulwa komapulo taga landula:

a) Omolwashike itaadhi etwa koshipala shoveta dhi pangulwe?

b) Nenge epangelo li gandje etompelo kutya omolwashike oonkwatwa itaadhi mangululwa?

c) Nenge epangelo li hokololele ohofa, kutya oonkwatwa odha kwatelwa shike nomolwashike dhe edhililwa?



Mefano ndika pokatilela pevi aawilikingeleki yatatu mboka Oongeleki dhawo dha fala oshipotha mohofa. Kolumoho Pata P. H. Henning gwaKatoolika kaRooma, taa kundathana nomumbisofi J. Kauluma pokati nomumbisofi Dumeni kolulyo, manga ya tegelela ohofa yi hite.



Aawilikingeleki yatatu; omumbisofi James Kauluma gwaAnglikan, omumbisofi Bonifatius Haushiku gwaKatoolika kaRooma nomumbisofi Kleopas Dumeni gwa ELOK, oyo ya li ya fala mo eindilo mohofa pamwe naakwazimo nookuume koonkwatwa 20.

Aawilikingeleki mepangelo oya kalelwa po kuhahende Sidney Kentridge, hahende Arthur Chaskalson gwaJohannesburg nahahende Jeremy Gauntlett.

Eponokelo lya SA muAngola eti-4.5.1978, olya li lya etelele mo oonkwatwa odhindji iilyo yaSwapo. Nonando dhimwe dha li dha

Esilohenda ihali ilongelwa

Esilohenda ohali zi kuKalunga mwene. Una wa longo shono inaashi opala koshipala shaKalunga, nena owa pumbwa ashike esilohenda. Kali shi ashike olukeno, ihe oloyo wo oshilongahenda shaKalunga te shi gandja kungoka inee shi ilongela.

Mesilohenda omo wo hatu taamba edhimopo lyoondjo, sho Omuwa ta ti kutse: Ongame nguka tandi kutha po omayonagulo goye, omolwandje mwene, ongame noitandi dhi-mbulukwa we oondjo dhoye.

Medhimopo lyoondjo otatu mono ombili yomuKalunga, ombili yaa na ekudhilo. Kristus oye ombili yetu. Otwa pumbwa ombili ndjika tatu yi pewa kesilohenda lyaKalunga, manga tu li momwenyo.

Esilohenda nombili yaKalunga Tate, noyOmuwa gwetu Jesus Kristus, nayi kale nane, aaleshi amuhe.

Iileckah Iitha



Tala kep 10

OONKWATWA DHA MANGULULWA

Iingoli niisiliveli hayo yi vule omuntu: Ekumagidho komapangelo gaEuropa

Dha za kep. 9

mangululwa pethimbo ndiyaka, oonkwawo tadhi tengenekwa 150, odha kala dha dhigininwa kokamba yaMalinda.

Manga ku na ashike omasiku gaali ohofa yi ye miipundi, epangelo olye egulula ko oonkwatwa dhimwe 54. Mokati kawo omu na 31 yaamboka ya li yi indililwa emangululwo.

William Amutenja, Benny Ausko, Ruben Hamutengela, Thomas Ngotukura na Amalia Aupindi, oyo ayeke ya kala ko ya dhigininwa natango kokamba hoka.




Konima yomahambelelondjimbo yamwe yomoonkwatwa dhaCassinga sho ye egululwa mo mokamba yaMalinda noya thiki pegumbo lyaayenda lya ELOK mOve-nduka Omumbisofi Dumeni okwe ya tumbulile omatumbulo gamwe oku ya dhi-mbulukitha esilohenda lyaKalunga ndyoka lye ya lele nomomathimbo guudhigu.

Omumbisofi mefano ota monika pokati lela kongundu yaanambelewa ya CCN mOve-nduka, mboka yi ile okuyakula aamangululwa moompumbwe dhesiku kehe.

Eindilo lyaawilikingeleki olya li lyu ukithwa koministeli yegameno ya SA, kuNgoloneya Ndjayi gwa SWA, kuKomandanda gwetanga lya SWA nokomukuluntu gwokamba yaMalinda, oyo ya yamukule omapulo ngoka gatatu.

Mbaka mohofa oya li ya kalelwa po kuhahende IWB de Villiers, hahende L. Harms nahahende Sammy Maritz. Omupanguli okwa li omusamane Justice Hans Berker gwaNamibia. Etokolo moshinima shoka inali ningwa, olya tegelelwa natango.

Sebulon Ekandjo



Oraata yOongeleki muNamibia (CCN), oya tuma ombilive yomontaneho kOongeleki dhomuEropa, dhi tsikile natango okuguna omapangelo gadho, opo emanguluko nuuthemba womuntu kehe muNamibia u gamenwe wo.

Ombilive oya tumwa pehulilo lyaMai gwa zi ko, naanaa pethimbo ndyoka oministeli yotango ya SA ya tameke wo ondjenda yayo kiilongo mbyoka.

Ya shainwa konyala kaawilikingeleki ayehe Oongeleki dhawo dhi li iilyo mOraata ndjoka,

ombilive oya ndjandjukununa onkalo yaNamibia nkene yaa shi we okutsikila; paupolitika, pausosiale nopamahupilo.

Edhina lyomuwilikingeleki gwOongeleki onkwaevaangeli paLuther yaAandowishi moshilongo shika, nalyo wo otali adhikwa mokati komadhina gaashaini yombilive ndjoka. Oongeleki ndjoka olwindji momathimbo ga piti, oyi ikutha momatokolo gOongeleki dhomEhangano ndyoka, unene miinima tayi gumu epopilo lyuuthemba wOmuluudhe moshilongo shika.

Oongeleki ndjoka, oyo ayike Oongeleki yAatiligane yi li oshilyo mEhangano ndyoka.

Ekwatelokumwe lyAacuba muAngola nemanguluko lyaNamibia ngaashi tashi pulwa ku SA, edhiginino lyoonkwatwa dhaCassinga kOmalinda pwaa na ompangu yasha, omahepeko gaakwashigwana, elondo lyootakisa, okwaaniilonga moyendji nuundjambi wa nathangwa kumboka ye li miilonga osho wo eputudho lyAatiligane okutilithwa yaangale Aaluudhe, oyo iinima yu ulikwa tayi pangele onkalo yaNamibia pethimbo ndika.

Oraata oye shi endulula naampaka ngaashi hayi shi ningi olwindji, kutya oshitokolitho 435 sha VVO tashi indile ku ningwe ehogololo lyoshigwana ashihe lya manguluka, metonatelo lya VVO, opo oshigwana shi hogolole aawiliki yasho memanguluko, osho shi li natango mpaka omukanka gwopapolitika gu shi okwiinekelwa, nkoka emanguluko lyoshilongo shika, tali vulu okwaadhikwa nombili.

Okulyatela pevi ethaneko ndika lya taambwa kuuyuni auhe, otashi eta ashike ehanagulo ewinayi.

“Galikaneneni onakuyiwa yoshilongo shetu, ne mu popithe omapangelo geni kutya omuntu a shitwa kuKalunga, oku na ondilo onenenene yi vule kokule yokawe, oshingoli oshisiliveli na‘uran’ osho ombilive ya hulithwa nasho.

Andimba kombanda yomafuta

Konima yoonkundathana dhaLusaka pokati ka SWAPO, SA noongundu dhomeni 11-13 gaMai nuumvo, omusamane Andimba Toivo yaToivo okwa yi molweendo olule kombanda yomafuta.

Metalelopo ndika omusamane Andimba okwa kundathana naanamapangelo yiilongo; Britania, Fulanisa, naBelgia. Ota ka tsikila natango kuNdowishilanda lyuuninginino, kuHolanda, kuSwitzerland sigo Italia nkoka a tegelelwa ya tsakanene naakwanepangelo lyoshilongo shiyaka nomupapa gwOongeleki John Paul II.

MuBrussel, Andimba okwa lombwele aatoolinkundana, kutya changano lyawo oli

Tala kepandja tali landula

Dha za kep. 7

Ovanyasha
Ovalidiliki

Ovanangeshefa
Ovahongifikola

Otashi dulika eengudu dimwe da tuma oinakuwanifwa yado, ndele inai fika manga mombelewa yetumo, pefimbo lelongekido lomushangwahokololo wombelewa oyo.

ilongekidha natango okutsakanena na SA moonkundathana dhemanguluko lyaNamibia, shimpa tuu SA ti igandja kelongitho lyoshitokolitho 435 sha VVO.

MuFulanisa, okwa kundane kwa kaaleli yoshilongo shoka, kutya yo itaa popile nando Aacuba muAngola ya kwatakanithwe kumwe nemanguluko lyaNamibia noshitokolitho 435 otaye shi tala natango, kutya osho shi li euthongodhi ewanawa okumangululitha Namibia.

Namibia tali halithwa po

Pokati mpoka opwa kundanwa mOoradio dhomeni lyoshilongo nodhokombanda, kutya oministeli yotango ya SA omusamane Pieter Willem Botha, ota "halitha" po Namibia kiilongo yomuuyuni.

Omusamane Botha naye wo okuza ehulilo lyaMai okwa kala metalelopo lyethimbo ele kombanda yomafuta. Hwiya okwa kundathana naakwanepangelo lyaSwitzerland, lyaBritania nolyaNdowishilanda lyuuninginino, Fulanisa, Belgia, Austraria naItalia.

Onkundana oya ti kutya oministeli Botha oya ninga eindilo kiilongo itano yuuninginino yi ipyakidhila nomukundu gwaNamibia, ngele pu na shimwe shi ilongekidha okutaamba elelo lyaNamibia mwa kwatelelwa iimaliwa oomilyona R 658 hayi pewa Namibia ku SA osho wo epopilo lyoshilongo.

Nonando SA i ilongekidha okugandja po Namibia ngeyi kuyalwe, aniwa te shi vulu

nokuli meni lyoomwedhi mbali, koombinga adhihe dhuuyuni inaku za nando eyamukulo li na oonkondo lyonkumwe nenge lyenyanyu, kushono sha popiwa ngaashi omuntu wa li wa tegelela andola.

Takele komuwiliki gwaSWAPO omusamane Sam Nuujoma ngoka e shi pangula noonkondo sho a ti kutya, ehanganano lye itali ke shi zimina Namibia li tulwe muukoloni uutiyali.

Ashike opwa kundanwa ngaa kutya eindilo otali ka kundathanwa moshigongi shaanangeshefa aanene yiilongo; Britania, Fulanisa, Amerika, Ndowishilanda lyuuninginino, Italia naJapan tashi tameke 7.6.84 muLondon.

Namibia okoloni melelo lya lye ano?

SA okwa pelwe evi ndika kongundu yiigwana yuuyuni (League of Nations) omumvo 1920, opo e li lele ye e li putudhe sigo igwana ya SWA ya dhimbulula yoyene kungoka yi na okwiigameka; ongele oku SA nenge otayi ithikamene.

Ongundu ndjoka yiigwana sho ya halakana po 1945, oya pinginwa ku VVO, ngoka a tsikile naanaa omulandu ngoka gwa li gwa tulwa po komutetekeli. SA okwa kala ha gandja ihe ehokololo lyiilonga ye mu SWA omumvo kehe ku VVO, sigo omumvo 1948, ongundu yaNasionale sho ya lala oshipundi.

SA melelo ndika, lya tseyika nawa, elelo lyaMalan, okwa tindi okugandja ehokololo ku VVO nokwa tindi wo okutonatelwa ku VVO mokulela SWA netompelo, kutya ongundu ndjoka ye mu pele oshinakugwanithwa (League of Nations) oya hula po. Pethimbo ndyoka SA okwa kala wo ta kambadhala SWA e li tule kumwe na Suid-Afrika. Nasho inashi pita.

Opo mpoka pwa zile oontamanana dhe na VVO ndhoka dhe mu fala sigo omohofa onene yuuyuni kuDen Haag, omumvo 1950. Ohofa oya li ya tokola kutya VVO oyo tayi tsikile naanaa okulela SWA pamwe nookoloni oonkwawo dha li natango metonatelo lya VVO ethimbo ndiyaka.

Naashika SA okwe shi tindi sigo Etiopia naLiberia ya shuna oshipotha shoka kuDen Haag, medhina lyaAfrika omumvo 1960.

Ohofa oya dhimbulula omayono ga SA mokulela SWA miinima tayi landula:

- SA okwa putudhila oshilongo okatongotongo komoshilongo she.
- Aakalimo ineya putudha yaadhe eithikameno.
- Oshilongo sha SWA okwa hala oku shi tula kumwe noshe.
- Moshilongo shaantu okwa dhika mo ookamba dhiita.
- Ye iha tumu we ehokololo lyiilonga ku VVO, onke elelo lye mu SWA otali hulithwa mo. Etokolo olya ka gandjwa omumvo 1966. (Die Stryd om Suidwes-Afrika: Paul Giniewski, Bl.51).

Konima yetokolo ndika VVO okwa dhike Oraata yokulela SWA, ndjoka tayi tseyika sigo onena Oraata yaNamibia mu VVO. Oraata ndjika nayo wo pamwe netokolo ndyoka lye yi

totitha po lyomohofa, inayi ziminwa ku SA sigo onena.

Otashi dhimbulukiwa natango koyendji omumvo 1967 sho ondhila yOraata ndjika ya li inaayi pewa okapale ku SA mOvenduka, sigo ya shuna kuZambia. Elalakano olya li okutameka iilonga mbyoka ye yi pewa ku VVO.

Okuza ethimbo ndyoka, muAfrika inamu za we ondhila ya gwila mOvenduka, shi na sha nuupolitika, kakele kaandjoka ya gwile mo nuumvo muMai, ya tuminwe kehangano lyaSWAPO okwiila mboka taa ka kala moonkundathana dhaLusaka.

Omusamane Botha ngoka a tegelelwa a huliithe po etalelopo lye muEuropa oshiwike shika, okwe shi endulula ngaashi e shi popile pehulilo lyomumvo gwa yi, kutya:


SA okwa vulithwa ku SWA naantu ya SA otaa yemata koshinima shoka. Onke a hala gumwe nenge yaali mboka taa ilongekidha okutaamba evi ndyoka nokuhumbata iinakugwanithwa yalyo ayihe.

Eindilo lyomusamane Botha okwe li ningi pethimbo ndyoka uuyuni u li pokutompelwa kutya SA okwa fa i ilongekidha ngashingeyi okugandja evi lyaNamibia kaavalelwa mo shi vule shito.

Eikutho lye muumbugantu waAngola, oonkundana pokati ke na SWAPO noongundu dhomeni, oyo ya li ya talwa uunzapo wa kola meilongekidho lye.

Ngashingeyi evi ndyoka lya indilwa kooyene uule womimvo 20 dha piti, otali kongelwa natango ngoka e li hala.

Sebulon Ekandjo



Omupanguli Sir Muhammad Zafrulla Khan gwaPakistan, oye a li omupresidende gwohofa yuuyuni pethimbo lyetokolo lyoshipotha sha SA, muDen Haag Oohahende 15 mohofa ndjoka dha za miilongo yi ili noyi ili, odha li dhi ipyakidhila noshipotha shoka.

Ehiyo lyoshigongi shaagundjuka

Aagundjuka ayehe yomoshitayingeleki shOndonga, otaa hiywa koshigongi shawo shoshitayi tashi ka kala mOlukonda 28.6 sigo 1.7.1984. Egongalo kehe nali tume aagundjuka yahetatu naawiliki yaali ngele yatatu.

Omolwokukoleka oshiketha shaagundjuka moshitayingeleki shetu, otatu ka kala nuumvo tu na omathigathano gopatatu:

1. Shotango epandele lyetu lyoshitayi "Maranata". Epandele ndika olyoopalekwa nolyoopala tuu shili. Omumvo gwa zi ko, Maranata, okwa lumbu keheke. Longekidheni megongalo lyaandjeni mu ke li tale ko.

2. Patiyali ethigathano lyekopi. Ngoka inoo ya naMaranata, ekopi ino li thiga po.

3. Oshititatu otatu shi tumbula manga. Ano ilongekidheni nawa shili.

Naampaka aavali momagongalo nuunene aanashilonga, otamu indilwa mu yambidhidhe uunona weni, opo waa ka vugagulwe kuyakwawo.

G. Manyu
Omuwiliki



Konima yehambelelo, iilonga yokuhelula ololi, oya tameke. Mefano ndika kolulyo; omeme Amukugo, tate Amukugo nomudhiginini gwofaalama yawo Filippus Shikulya ya taalela kefano.

Endelela, ino yongayonga

Ilandela embo lyedhina Etumwalaka lyokuUppsala. Embo ewana nolya pumbiwa unene pethimbo ndika. Nandi ku yakeleko pafupi koshikalimo shalyo. Oshikalimo osha kwatelela mo:

- Oshimpwiyu shaakriste molwomwenyo nombili.
- Ombili nuuyuuiki.
- Omulandu gwekateko lyiikondjitho iidhigu.
- Egameno lyaayehe.
- Shokà Oongeleki tadhi vulu okuninga.

Embo ndika otali monika mositola yomambo. Ondando 15c, adhike. Ope na omuposu.

Petrus Shipena

ESO

Omushamane Aaron Shaandjeka Munashimwe, okwa manene oweenda waye omafiku 15.4.1984 moshipangelo shepangelo mOshakati. Okwa xulifila moukulupe weedula 98 nokwa fiya ko omufiyekadi, ovana 10, ovatekelu 66 novatekulululwa vane.

Fye ovadalwa atushe novakwadimo, ohatu pandula ovo va li ve tu hekeleka palutu nofamwenyo. Okwa li oshilyo sheongalo laNgenga.

Anna Aaron

Omukwetu pukulula

Omukwetu, ombili kwafe nge u wapaleke omapuko a holoka moipopiwa yomoifo tai landula: Omukwetu gwaApilili 30, 1984 ke pandja 3, oshipopiwa; Ediko lemanya lovakwaKautondokwa...

Ewapaleko: F. Kautondokwa okwa fya pamwe novana vane novatekulwa vatatu. Kape na omutekulu ngaashi Omukwetu a shiivifa.

Moshifo shaMai 15, 1984 ep. 7, moshipopiwa; Omwene lundulula okukala kwetu... omushangi ke fi Simon Namunyekwa, ndelene oSalom Namunyekwa. Tangi eshi to ka pukulula nawa.

*** Tate Namunyekwa, twa pandula unene kekwafo loye mepukululo eli.**

Amushanga wOmukwetu

Dha za kep. 8

2. Oshilonga she itashi pangelwa koma-tsikilathano guumbisofi.
3. Kee shi omukwaniilwa nongaashi ina lengwa koshigwana.
4. Haye awike ta pulwa onkalelo yOngeleki.
5. Kee na oonkondo dhi vule dhaasita ooyakwawo kombinga yekoleko lyaagundjuka mboka ye na okumona epitikilo okuya kUulalelo Uyapuki. Nonando pandjigilile oha yapula aasita aape, Ongeleki otayi vulu wo okupa omusita omukwawo oshilonga shoka, ngele pe na ompumbwe.
6. Omumbisofi omukwaLuther kee vule ompangongeleki nongaashi oku shi okukuthwa oshilonga she, ngele elongo lye nenge omikalo dhe otadhi kondjitha oohapu dhaKalunga.

pondoka: Amukugo

Osha li ongula natango, ombelewa yomumbisofi oyeeguluka nopomweelo gwayo itapu inyenge manga aategeleli mboka ya hala oku mu mona ngaashi olwindji hashi kala.

Omumbisofi pethimbo ndyoka okwa li i ipyakidhila manga yo naamushanga gwOmukwetu, omolwoshinyolwa shimwe sha pitile mOmukwetu nosheeta ekuyunguto mokati kaaleshi.

Ohaluka posheelo shombelewa ndjoka otapu thikama omulumentu Omuluudhe gwoshipapa sholutu. Othika ye ofupi ngaa noshipala sha tsima sho sha nika eloloko.

Tu tale nawa, nani omushiinda shetu, Stefanus Amukugo.

“Ongoye naanaa nda pumbwa, Amushanga gwOmukwetu. Onawa wo sho nde mu adha pamwe nomumbisofi,” osho omusamane Amukugo a tumbula ye ta kokolola oshipundi mpeya a kale nawa omutumba.

Nani omunangeshefa ngoka omunafaalama, hapo e li natango molweendo ta zi kokuti a ka teyele epya lye nololi onene yOngeleki. Sho nde ke yi thikamena, ololi yootona ntano oya sa uudhigu womahangu gomitse omile noomuma oonene, nde ga hula naie momeho.

Oshituthihambelelo osha tsikile molupale lwaAmukugo pamwe naanegumbo ayehe. Ohapu yomuLukas 12:16-21 oyo ya li ya leshwa mpeyaka okwiidhimbulukitha natango nkene omwenyo omunkundi, ihaagu lwedha okumakelwa kumbyoka yokathimbo.

“Hatse twa longo, Kalunga mwene a gandja omagano ge. Oshilonga oshidhigu ngele nani otashi longwa negalikano, ohashi pondoka,” osho sha kala ethimbo alihe kondungu yomilungu dhaanegumbo ndyoka.

Ngoka ti ilikolele sha, e ta dhimbulukwa omushiti gwe, osha yela oku na onakuyiwa ya kola.

OMUKWETU

Oye oshifo shOngeleki Onkwaevangeli paLuther yomOwambokavango.

Ohashi nyanyangidhwa mOshinyanyangidho shOngeleki mOnipa.

Omukuluntu gwoshifo omumbisofi. Dr. Kleopas Dumeni, Amushanga gwoshifo omusita Sebulon Ekandjo

Ondando yOmukwetu muNamibia naSuid-Afrika R 5,00 komumvo.

Palwe muAfrika R 8,00 nokombanda yomafuta 11,00, komumvo. Mondhila R 13,00.

Ondando nomambestelo agehe naga tumwe kOmukwetu, Onipa, P.Bag 2013, Ondangwa, 9000

EV. LUTH. OWAMBOKAVANGO CHURCH PRESS PRIVATE BAG 2013, ONDANGWA 9000 SWA/NAMIBIA